

2-bob. Nazorat turlari va baholash mezonlari

1-§. Nazorat turlari

4. Filialda talabalar bilimini nazorat qilish, mashg'ulotlarni, vazifalarni bajarishi, oraliq va yakuniy nazorat turlarini o'tkazish orqali amalga oshiriladi.

5. Oraliq nazorat semestr davomida fan sillabusining tegishli bo'limi tugagandan keyin talabaning bilim va amaliy ko'nikmalarini baholash maqsadida fanlar doirasida o'tkaziladi.

6. Oraliq nazorat turi har bir fan bo'yicha fanning xususiyatidan kelib chiqqan holda 2 martagacha o'tkazilishi mumkin.

Oraliq nazorat turini o'tkazish shakli va muddatlari fanning xususiyati va fanga ajratilgan soatlardan kelib chiqib tegishli kafedra tomonidan belgilanadi.

7. Oraliq nazorat turining topshiriqlari tegishli kafedra professor-o'qituvchilari tomonidan ishlab chiqiladi va mazkur kafedra mudiri tomonidan tasdiqlanadi.

8. Talabaning amaliy, seminar, laboratoriya mashg'ulotlari va mustaqil ta'lim topshiriqlarini bajarishi, shuningdek uning ushbu mashg'ulotlardagi faolligi bilan birgalikda oraliq nazorati bo'yicha o'zlashtirish natijalari Oliy ta'lim jarayonlarini boshqarish axborot tizimi (HEMIS)ga kiritiladi. Oraliq nazoratlari 5 baholik tizimda baholanadi, 3 va undan yuqori baho olgan talabalar yakuniy nazorat topshirishga ruxsat beriladi.

9. Yakuniy nazorat turi semestr yakunida tegishli fan bo'yicha talabaning nazariy bilim va amaliy ko'nikmalarini o'zlashtirish darajasini aniqlash maqsadida o'tkaziladi.

10. Yakuniy nazorat turini o'tkazish shakli fakultet dekanati, kafedra mudirlari hamda o'quv-uslubiy bo'lim bilan birgalikda kelishilgan holda belgilanadi. Yakuniy nazoratlar asosan tayanch tushuncha va iboralarga asoslangan "Yozma ish", "Test" va «Og'zaki» shakllarda o'tkaziladi.

Yakuniy nazorat "Yozma ish" shaklida o'tkazilishga talaba kesimida takrorlanmaydigan holda 5 ta savoldan iborat biletlar tayyorlanib 120 daqiqa vaqt beriladi. Yakuniy nazorat «Test» shaklida o'tkazilganda fanning xususiyatidan kelib chiqqan holda 30 tadan 50 tagacha test savollari beriladi, har bir savolga 1 daqiqadan vaqt ajratiladi. Yakuniy nazorat «Og'zaki» shaklda o'tkazilganda talaba kesimida takrorlanmaydigan holda 3 ta savoldan iborat biletlar tayyorlanib har bir talabaga tayyorlanishi va javob berishi uchun fanning xususiyatidan kelib chiqqan holda 10 daqiqadan 20 daqiqagacha vaqt ajratiladi.

11. Yakuniy nazoratlar fakultet dekanati va o'quv-uslubiy bo'lim tomonidan ishlab chiqiladigan hamda o'quv ishlari bo'yicha direktor o'rinbosari

tomonidan tasdiqlanadigan Yakuniy nazorat turlarini o'tkazish jadvaliga muvofiq o'tkaziladi.

2-§. Talabalar bilimni baholash mezonlari va baholarni konvertatsiya qilish.

12. Talabalar bilimni quyidagi mezonlar asosida baholanadi va baholar konvertatsiya qilinadi:

Talabalar ta'lim dasturi doirasida o'qitish shaklidan qat'iy nazar, O'zbekiston Respublikasi Adliya vazirligi tomonidan 2018-yil 26-sentyabrda 3069 raqami bilan ro'yxatdan o'tkazilgan Oliy ta'lim muassasalarida talabalar bilimni nazorat qilish va baholash tizimi to'g'risidagi Nizomda kursatilgan baholash mezonlari asosida baholanadi.

Fan dasturida (sillabusda) belgilangan baholash tartibi hamda ijobiy baholar doirasida baholangan talabalarga kreditlar beriladi. Talaba belgilangan ta'lim olish natijalariga erisha olmagan taqdirda, kreditlar berilmaydi.

Baholash usullari fan yoki modul doirasidagi talabaning yutuqlarini aks ettiruvchi va tasdiqovchi yozma, og'zaki, amaliy ish, loyiha, portfolio va nazoratlar kabi turlarni o'z ichiga qamrab oladi. Baholash mezoni ta'lim olish natijasiga erishilganligini aks ettirishi shart.

Kreditlarni ko'chirish oliy ta'lim muassasasida baholash tizimini boshqa baholash tizimlariga konvertatsiya qilish jadvalini boshqa oliy ta'lim muassasasida tuzilgan shunga o'xshash jadval bilan solishtirish asosida amalga oshiriladi.

Talaba mustaqil xulosa va qaror qabul qiladi, ijodiy fikrlay oladi, mustaqil mushohada yuritadi, olgan bilimni amalda qo'llay oladi, fanning (mavzuning) mohiyatini tushunadi, biladi, ifodalay oladi, aytib beradi hamda fan (mavzu) bo'yicha tasavvurga ega deb topilganda — 5 (a'lo) baho bilan baholanadi;

Talaba mustaqil mushohada yuritadi, olgan bilimni amalda qo'llay oladi, fanning (mavzuning) mohiyatni tushunadi, biladi, ifodalay oladi, aytib beradi hamda fan (mavzu) bo'yicha tasavvurga ega deb topilganda — 4 (yaxshi) baho bilan baholanadi;

Talaba olgan bilimni amalda qo'llay oladi, fanning (mavzuning) mohiyatni tushunadi, biladi, ifodalay oladi, aytib beradi hamda fan (mavzu) bo'yicha tasavvurga ega deb topilganda — 3 (qoniqarli) baho bilan baholanadi;

Talaba fan dasturini o'zlashtirmagan, fanning (mavzuning) mohiyatini tushunmaydi hamda fan (mavzu) bo'yicha tasavvurga ega emas deb topilganda — talaba baholanmaydi.

13. Nazorat turlarini o'tkazish bo'yicha tuzilgan topshiriqlarning mazmuni talabaning o'zlashtirishini xolis (ob'yektiv) va aniq baholash imkoniyatini berishi shart.

3-bob. Talabalar bilimni baholash

14. Talabalar bilimni baholash har bir fan bo'yicha o'zlashtirish darajasi 5 baholik tizimda amalga oshiriladi.

15. Talabaning amaliy, seminar, laboratoriya mashg'ulotlari va mustaqil ta'lim topshiriqlarini bajarishi, shuningdek uning ushbu mashg'ulotlardagi faolligi bilan birgalikda oraliq nazorati bo'yicha o'zlashtirish natijalari Oliy ta'lim jarayonlarini boshqarish axborot tizimi (HEMIS)ga kiritiladi. Oraliq nazoratlari 5 baholik tizimda baholanadi, 3 va undan yuqori baho olgan talabalar yakuniy nazorat topshirishga ruxsat beriladi.

16. Yakuniy nazorat turini o'tkazish va mazkur nazorat turi bo'yicha talabaning bilimni baholash tashkil qilingan komissiya tomonidan amalga oshiriladi.

Tegishli fan bo'yicha o'quv mashg'ulotlarini olib borgan professor-o'qituvchi yakuniy nazorat turini o'tkazishda ishtirok etishi mumkin.

Yakuniy nazorat turini o'tkazishda kelishuv asosida boshqa oliy ta'lim muassasalarining tegishli fan bo'yicha professor-o'qituvchilari jalb qilinishi mumkin.

17. Nazorat turlarini o'tkazilishi ta'lim sifatini nazorat qilish bo'limi, o'quv-uslubiy bo'limi, axborot texnologiyalar markazi bilan hamkorlikda fakultet dekanati tomonidan doimiy ravishda o'rganib boriladi. Bunda nazorat turlarini o'tkazilish tartibi buzilganligi aniqlangan hollarda, o'tkazilgan nazorat turlarining natijalari bekor qilinishi hamda tegishli nazorat turi qaytadan o'tkazilishi mumkin.

18. Talaba tegishli fan bo'yicha yakuniy nazorat turi o'tkaziladigan muddatga qadar oraliq nazorat turlarini topshirgan bo'lishi shart.

19. Mashg'ulotlarda ishtirok etmagan, vazifalarni bajarmagan, oraliq nazorat turini topshirmagan, shuningdek, bir fanga ajratilgan auditoriya soatining 25 foizi va undan ortiq soatni sababsiz qoldirgan talaba ushbu fandan chetlashtirilib, yakuniy nazoratga kiritilmaydi hamda mazkur fan bo'yicha tegishli kreditlarni o'zlashtirmagan hisoblanadi. Yakuniy nazorat turiga kiritilmagan yoki kirmagan, shuningdek, ushbu nazorat turi bo'yicha qoniqarsiz baho olgan talaba akademik qarzdor hisoblanadi.

Akademik qarzdor talabalar ta'til vaqtida yoki keyingi semestrlar mobaynida tegishli fanlardan o'zlashtirilmagan kreditlar miqdoriga mos ravishda bazaviy to'lov-kontrakt miqdoridan kelib chiqqan holda to'lovni amalga oshirgandan so'ng o'zlashtirilmagan fanlarni o'z hisobidan qayta o'qish huquqiga ega bo'ladi.

20. Talaba uzrli sabablarga ko'ra oraliq va (yoki) yakuniy nazorat turida ishtirok etmagan taqdirda ushbu talabaga tegishli nazorat turini qayta topshirishga fakultet dekanining farmoyishi asosida ruxsat beriladi.

21. Bir kunda 1 tadan ortiq fan bo'yicha yakuniy nazorat turi o'tkazilishiga yo'l qo'yilmaydi.

22. Talabaga yakuniy nazorat turini qayta topshirishga imkon berilamaydi va akademik qarzdor hisoblanadi. Qayta topshirish talaba(lar)ning tashabbusi bilan mavjud akademik qarzlarni topshirish maqsadida yozgi semestr tashkil qilinishi mumkin. Yozgi semestr ta'til vaqtida pulli asosda tashkil qilinadi.

Yozgi semestrning davomiyligi akademik taqvim asosida bakalavriat ta'lim yo'nalishlari, magistratura mutaxassisliklari va kurslar bo'yicha belgilanadi.

Yozgi semestr quyidagi reglament asosida tashkil qilinadi:

talaba yozgi semestr boshlanguniga qadar filial o'quv-uslubiy bo'limiga o'zining yozgi semestrda o'qishi istagini bildiradi;

filialda ushbu talabalarga fakultet dekanati tomonidan yozgi semestr uchun dars jadvalini tuzadi va talaba to'lov pulini to'laganidan so'ng darslarga kiritiladi;

yoziq semestr amaldagi baholash tizimi asosida talabalar bilimni shaffof baholash tamoyiliga ko'ra tashkil qilinadi.

Yozgi semestrga jalb qilingan professor-o'qituvchilarga soatbay asosida ish haqi to'lanadi.

23. Berilgan muddat davomida mavjud bo'lgan qarzdorlikni topshira olmagan talaba bo'yicha fakultet dekani bildirgi bilan filial direktorini xabardor qiladi va ushbu talaba filial direktori buyrug'i asosida kursdan qoldiriladi.

24. Ta'lim oluvchini kursdan kursga o'tkazish uning GPA qiymatini hisobga olgan holda amalga oshiriladi. Filial talabalarni kursdan kursga o'tkazishda GPA ko'rsatkichi 2,8 bo'lishi talab etiladi. GPA o'tish ballini tuplay olmagan talaba qayta o'qish uchun tegishli kursda qoldiriladi. Semestr va o'quv yili yakuni natijalari bo'yicha akademik qarzdorligi bor ta'lim oluvchilar o'qishdan chetlashtirilmaydi. Kursdan kursga qolgan talabalar faqat qarzdor bo'lgan fanlarni o'zlashtirib ularga mos ravishda shartnoma mablag'larini to'laydi. Shartnoma asosida bir kursda qayta o'qish soni chegaralanmaydi. Jami ta'lim olish muddati bakalavriat uchun 1 kursga o'qishga qabul qilinganidan so'ng 8 yilgacha deb belgilanadi.

GPA (Grade Point Average) — ta'lim oluvchining dastur bo'yicha o'zlashtirgan ballari o'rtacha qiymati bo'lib, u quyidagi formula yordamida hisoblanadi:

$$\text{GPA} = \frac{K_1 \cdot U_1 + K_2 \cdot U_2 + K_3 \cdot U_3 \dots + K_n \cdot U_n}{K_1 + K_2 + K_3 \dots + K_n}, \text{ bunda:}$$

K — har bir fan/modulga ajratilgan kreditlar miqdori;

U — har bir fan/modul bo'yicha talaba to'plagan baho;

25. Ta'lim oluvchi O'zbekiston Respublikasi qonun xujjatlari asosida o'qishni qayta tiklash va ko'chirish huquqiga ega. Ta'lim oluvchi tomonidan chetlashtirilgunga qadar o'zlashtirgan kreditlar miqdori filial tomonidan to'liq hajmda hisobga olinadi.

26. Baholash natijasidan norozi bo'lgan talabalar fakultet dekani tomonidan tashkil etiladigan Apellyatsiya komissiyasiga apellyatsiya berish huquqiga ega.

27. Talaba baholash natijasidan norozi bo'lgan taqdirda, baholash natijasi e'lon qilingan vaqtdan boshlab 24 soat davomida apellyatsiya berishi mumkin. Talaba tomonidan berilgan apellyatsiya, Apellyatsiya komissiyasi tomonidan 2 kun ichida ko'rib chiqilishi lozim.

28. Apellyatsiya komissiyasi tarkibiga talabani baholashda ishtirok etmagan tegishli fan professor-o'qituvchilari orasidan komissiya raisi va kamida to'rt nafar a'zo kiritiladi.

29. Talabaning apellyatsiyasini ko'rib chiqishda talaba ishtirok etish huquqiga ega.

30. Apellyatsiya komissiyasi talabaning apellyatsiyasini ko'rib chiqib, uning natijasi bo'yicha tegishli qaror qabul qiladi. Qarorda talabaning tegishli fanni o'zlashtirgani yoki o'zlashtira olmaganini ko'rsatiladi.

4-bob. Baholash natijalarini qayd qilish

31. Talabalar bilimni baholash Oliy ta'lim jarayonlarini boshqarish axborot tizimi (HEMIS) da yuritiladi.

32. Yakuniy nazorat turi bo'yicha talabaning bilimi «3» (qoniqarli) yoki «4» (yaxshi) yoxud «5» (a'lo) baho bilan baholanganda, nazorat turini qayta topshirishga yo'l qo'yilmaydi va talabaning elektron baholash daftariga kiritiladi.

33. Yakuniy nazorat turi bo'yicha talabaning bilimi qoniqarsiz deb baholanganda talabaning elektron baholash daftariga «0» belgisi yozib qo'yiladi.

34. Elektron jurnalning o'z vaqtida, to'g'ri va to'liq yuritilishi, shuningdek undagi baho va boshqa ma'lumotlarga asossiz o'zgartirishlar kiritilmasligi uchun fakultet dekani va tegishli fan bo'yicha professor-o'qituvchi mas'ul hisoblanadi.

35. Baholash natijalari kafedra yig'ilishlari, fakultet va oliy ta'lim muassasasi Kengashlarida muntazam ravishda muhokama etib boriladi va tegishli qarorlar qabul qilinadi.

5-bob. Yakuniy qoida

36. Ta'lim olishning to'lov qiymati O'zbekiston Respublikasining amaldagi qonun xujjatlariga muvofiq belgilanadi.

37. Fanlar buyicha qayta ta'lim olish uchun to'lov qiymati filial tomonidan butun o'quv yilining kontrakt summasidan kelib chiqqan holda

belgilanadi. Qayta ta'lim olish uchun to'lov mexanizmi filial tomonidan bir kredit qiymatini hisoblash asosida belgilanadi. Bir kredit qiymati o'quv yili davomidagi ta'lim olish uchun to'lanadigan bazaviy tulov-kontrakt miqdorini rejalashtirilgan kreditlar miqdoriga bo'lish yo'li bilan aniqlanadi.

Filialda talabalar bilimini nazorat qilish va baholash tizimi to'g'risidagi nizomga

ILOVA

Baholarni konvertatsiya qilish (5 ballik tizimdan foizga)

JADVALI

5 baxolik	100 ballik
5	90-100
4	70-89,9
3	60-69,9
2	59,9 va undan past